



## RECEPTION

DE

## MONSIEVR

LE BARON DE VITRY, en la dignité de Mareschal de France, faicte en Parlement le Mardy 23 May 1617.



A PARIS,

Chez NICOLAS ALEXANDRE, ruë des Mathurins.

M. D C. XVII.

AVEC PERMISSION

ACC 88-667(15)

## PERMISSION.

Imprimeur à Paris, d'Imprimer, vendre, & debiter vn petit liuret intitulé, La Reception de Monsseur le Baron de VITRY, en la dignité de Mareschal de France, Faicte en Parlement le Mardy 23. Maj 1617. Et desseures sont faictes à tous autres de l'Imprimer, vendre ny debiter, sans le consentement du dit Alexandre, à peine d'amende & confsication des Exemplaires, comme plus amplement est contenu en ladicte Permission. Donné à Paris le 28. May 1617.


Ainsi Signé, H. DE MESME.

ET DE PARIS.

Tirk and I - No.

Marine Charles Ton Str.

ATTIMES IN CONTRACT



E Scoliaste d'Aristophanes dict qu'anciennement apres que le puissant & valeureux Hercule eut dompté

& renuersé par terre l'effroyable & formidable monstre qui rauageoit sans pitié vne longue estenduë de pays, en memorial de ses hauts & genereux saits d'armes & maints dignes autres exploits de la vertu de son bras, tous les Princes & grands Seigneurs de la Grece se trouverent, en Conseil pour y deliberer de quels, honneurs ils deuroient honorer la

A ij

grandeur de courage de ce tat braue & triomphant Athlete: L'oracle consulté là dessus, respondit à ces Princes, que le reste de sa vie ilseroit honoré en qualité de grand & celebre Heros, & qu'estant mort il seroit veneré comme vn homme receu au Caralogue des Dieux, pour auoir liberéson pais de la crainte & de l'ef-

froy du monstre redouté:

Se trouua-il iamais vn plus cruel monstre que celuy que la France entretenoit chez soy, vray monstre d'auarice, alteré de son sang, qui ayant endurey son cœur en rocher, faisoit sacrifice de nos ayses & douceurs sur l'autel des vengeances, dutrouble & de la guerre: Mais comme Dieu repassoit en l'exercice de sa misericorde, par dessus noz malheurs, ayant veu finalemet des yeux de sa bontés que la malice nous auoit mis en

bransle & desbauche, qu'il manioit à tort & à trauers le thyrse de ses sanglantes fureurs, que tous alloient à brandons allumez au poing, tous à l'espée en France deschirer ses entrailles: Il a donc, ce grand Dieu des armees, touché le cœur de nostre ieune Monarque, par les diuines infpirations de son esprit tout puissant, & s'est seruy du bras d'vn des plus fidelles & courageux Seigneurs de nostre France pour terrasser ce monstre redoutable, c'est luy ce genereux Athlete, Monsieur le Baron de Vitry, qui par ce coup, comme vn Thesee à retiré la France de l'Enfer de ses douleurs, comme vn autre Perse là deliurée des liens de la tyrannie, ce Camille François, qui perseuerant en la fidelité de ses predecesseurs pour no tirer du bassin de noz ruines, & nous mettre sur le trente &

vn de nostre aise & repos; a mis par terre vn Renard en ses ruses & cauteles, vn Tygre en ses cruautez, vne Sangsuë en ses exactions, vn Cameleon en ses craintes & apprehensiós: & par ce coup a sauué la France de l'yuresse de ses fureurs, & mis noz ames hors de l'accez des passions.

Voyla pour quoy sa Majesté iudicieuse a merueilles en l'élection de ceux qui luy sont sideles, recognoissant le merite dudit sieur de Vitry, qui n'a iamais rien redouté pour executer ses comandemens, au mesme temps qué la racine de tous les maux que nous soussirions fut par luy destruite, il l'honora de la dignité de Mareschal de France, & le Mardy 23. du present mois de May, tous les Princes & Seigneurs le voulurent la luer & honorer en ceste qualité. Ce fut le jour de sa Reception au Palais.

où tout le Parlement se trouua disposé à receuoir les louanges du dis

sieur de Vitry.

En ceste assistance les Princes & Seigneurs ayans pris sceance auprés Meldits sieurs du Parlement, l'Aduocat choisy pour faire la presentatió dudit sieur de Vitry, comença à declamer mille belles louanges en sa faueur: il ramene les seruices memorables rendus à cette Coronne par ses Predecesseurs, estale au long les merites de seu M. de Vitry son Pere: puis concluant sur les genereuses actions de M. le Baron de Vitry son fils, exagere mille belles choses pour faire voir aux yeux plus clairuoyans du Royaume, l'esperance que la France peut conceuoir du courage inuincible de ce grand seruiteur de Roy: le tout sut si bien exageré, auec des exemples & vne eloquence si rare,

que toute ceste celebre assistance en demeura fort satisfaicte & contente, & ny eut aucun, tant Princes que Seigneurs & Officiers du Parlement qui ne mostrast quelque signe d'affection & de bien-ueillance enuers ledit sieur de Vitry. Toutes les harangues faictes, & les submissions requises, l'Arrest de la Reception dudit sieur fut prononcé auec vn grad applaudissement de toute la compagnie, pleine d'allegresse, de voir le choix que sa Majesté auoit fait d'vn si digne Seigneur, pour luy rendre seruice en vne tant digne & honorable qualité.

FIN.



